

47  
М-69

# НАЧАЛЬНОЕ РУКОВОДСТВО

КЪ ИЗУЧЕНИЮ

# ЛАТИНСКАГО ЯЗЫКА

для

КЛАССИЧЕСКИХЪ ГИМНАЗІЙ И ПРОГИМНАЗІЙ

## ГРАММАТИКА и ХРЕСТОМАТИЯ

СОСТАВИЛЪ

преподаватель 5-й С.-Петербургской гимназіи и гимназіи Императорского  
Человѣколюбиваго Общества

М. М. Михайловскій

ДЕСЯТОЕ ИЗДАНИЕ

Въ девятомъ изданіи книга Ученымъ Комитетомъ Министерства Народного  
Просвѣщенія допущена въ качествѣ учебнаго руководства для среднихъ  
учебныхъ заведеній Министерства (Ж. М. Н. Пр. Янв. 1909 г.) и Ученымъ  
Комитетомъ при Святѣшемъ Синодѣ рекомендована въ качествѣ учеб  
наго пособія для духовныхъ училищъ и семинарій (П. В. 1908 г. № 47).

Цѣна 1 РУБ.



СИНОДАЛЬНАЯ ТИПОГРАФІЯ

1912

# ЭТИМОЛОГІЯ.

## § 1. Латинская азбука.

<b>A a</b>	<i>A a</i>	a	<b>N n</b>	<i>N n</i>	эн
<b>B b</b>	<i>B b</i>	бэ	<b>O o</b>	<i>O o</i>	о
<b>C c</b>	<i>C c</i>	щэ	<b>P p</b>	<i>P p</i>	иц
<b>D d</b>	<i>D d</i>	дэ	<b>Q q</b>	<i>Q q</i>	ку
<b>E e</b>	<i>E e</i>	э	<b>R r</b>	<i>R r</i>	эр
<b>F f</b>	<i>F f</i>	эф	<b>S s</b>	<i>S s</i>	ес
<b>G g</b>	<i>G g</i>	го	<b>T t</b>	<i>T t</i>	тэ
<b>H h</b>	<i>H h</i>	га	<b>U u</b>	<i>U u</i>	у
<b>I i</b>	<i>I i</i>	и	<b>V v</b>	<i>V v</i>	вэ
<b>K k</b>	<i>K k</i>	ка	<b>X x</b>	<i>X x</i>	икс
<b>L l</b>	<i>L l</i>	эль	<b>Y y</b>	<i>Y y</i>	ипсилон
<b>M m</b>	<i>M m</i>	эм	<b>Z z</b>	<i>Z z</i>	зэт

## ОТРЫВКИ ИЗЪ ГАЯ ЮЛИЯ ЦЕЗАРЯ.

*Нравы галловъ.*

Non alienum<sup>1</sup> esse videtur de Galliae Germaniaeque moribus et, quo différant hae nationes inter sese, proponere. In Gallia non solum in omnibus civitatibus atque in omnibus pagis partibusque, sed paene etiam in singulis domibus factiones sunt earumque factionum principes sunt, qui summam auctoritatem<sup>2</sup> eorum iudicio habere existimantur, quorum<sup>3</sup> ad arbitrium summa<sup>4</sup> omnium rerum consiliorumque redeat; idque eius rei causa antiquitus institutum videtur, ne quis ex plebe contra potentiores auxiliū egeret: suos<sup>5</sup> enim quisque opprimi et circumveniri<sup>6</sup> non patitur, neque, aliter si faciat, ullam inter suos habet auctoritatem. Haec eadem ratio<sup>7</sup> est in summa<sup>8</sup> totius Galliae: namque omnes civitates<sup>9</sup> in partes<sup>10</sup> divisae sunt duas. Cum Caesar in Galliam venit, alterius factionis principes erant Aedui, alterius Sequāni.

Est hoc Gallicae consuetudinis, uti et viatores, etiam invitatos, consistere cogant et quid quisque eorum de quaue re audierit aut cognoverit, quibusque ex regionibus veniant, quasque ibi res cognoverint, pronuntiare cogant. His rebus<sup>11</sup> atque auditionibus permoti de summis saepe rebus<sup>12</sup> consilia ineunt<sup>13</sup>, quorum eos in vestigio<sup>14</sup> poenitere, necesse est, cum incertis rumoribus serviant<sup>15</sup> et plerique ad voluntatem eorum facta respondeant.

In omni Gallia eorum hominum, qui aliquo sunt numero<sup>16</sup> atque honore, genera sunt duo<sup>17</sup>. Nam plebes paene servorum habetur loco, quae nihil audet per se, nullo adhibetur consilio<sup>18</sup>.

<sup>1</sup> non alienus=умѣстный. <sup>2</sup> силу. <sup>3</sup>=ut eogum; такъ что ихъ усмѣтрѣнію и суду подлежитъ. <sup>4</sup>=окончательное рѣшеніе. <sup>5</sup> т. е. сторонниковъ. <sup>6</sup> подвергать опасности. <sup>7</sup> порядокъ. <sup>8</sup> въ цѣломъ, въ общемъ, вообще. <sup>9</sup> племена. <sup>10</sup> партии. <sup>11</sup> извѣстиями. <sup>12</sup> въ дѣлахъ государственной важности. <sup>13</sup> принимаютъ рѣшенія. <sup>14</sup> немедленно. <sup>15</sup> увлекаются. <sup>16</sup> пользуются дѣйствительнымъ значеніемъ. <sup>17</sup> два класса. <sup>18</sup> не допускается ни къ какому совѣщанію; nullo дрѣви. dat. nad. вм. nulli.

Plerique, cum aut aere alieno aut magnitudine tributorum aut iniuria potentiorum premuntur, sese in servitutem dicant<sup>1</sup> nobilibus. Iis in hos eadēm omnia sunt iura, quae dominis in servos. Sed de his duobus generibus alterum est druidum, alterum equitum. Illi rebus divinis intersunt<sup>2</sup>, sacrificia publica ac privata procūrant<sup>3</sup>, religiones interpretantur; ad hos magnus adulescentium numerus disciplinae causa concurrit, magnoque hi sunt apud eos<sup>4</sup> honore. Nam fere de omnibus controversiis publicis privatisque constituunt, et, si quod est admissum facinus, si caedes facta, si de hereditate, de finibus controversia est, idem<sup>5</sup> decernunt; praemia poenasque constituunt. Si qui aut privatus aut populus eorum decreto<sup>6</sup> non stetit, sacrificiis interdicunt<sup>7</sup>. Haec poena apud eos est gravissima. Quibus ita est interdictum, hi numero impiorum ac sceleratorum habentur, his omnes decedunt<sup>8</sup>, aditum sermonemque defugiunt, ne quid ex contagione incommodi accipiant, neque his potentibus<sup>9</sup> ius redditur neque honos ullus communicatur<sup>10</sup>. Iis autem omnibus druidibus praeest unus, qui summam inter eos habet auctoritatem. Hoc mortuo aut, si qui ex reliquis excellit dignitate, succedit, aut, si sunt plures pares, suffragio druidum, nonnunquam etiam armis de principatu contendunt<sup>11</sup>. Hi certo anni tempore in finibus Carnūtūm, quae regio totius Galliae media habetur, considunt<sup>12</sup> in loco consecrato. Huc omnes undique, qui controversias habent, conveniunt eorumque decretis iudiciisque parent. Disciplina in Britannia reperta<sup>13</sup> atque inde in Galliam translata esse existimatur, et nunc, qui diligentius eam rem cognoscere volunt, plerumque illo<sup>14</sup> discendi causa proficiscuntur.

Druides a bello abesse consuerunt<sup>15</sup> neque tributa unā cum reliquis pendunt, militiae vacationem omniumque rerum<sup>16</sup> habent immunitatem. Tantis excitati praemiis<sup>17</sup>, et sua sponte multi in disciplinam convenient et a parentibus propinquisque mittuntur. Magnum ibi<sup>18</sup> numerum versuum ediscere dicuntur. Itaque annos nonnulli XX in disciplina permānent. Neque fas esse existi-

<sup>1</sup> отдаются. <sup>2</sup> принимаютъ участіе въ священнодѣйствіяхъ <sup>3</sup> завѣ-  
дуютъ. <sup>4</sup> у галловъ. <sup>5</sup> они же, т. е. друиды. <sup>6</sup> abl. limitat., не подчинился  
рѣменію. <sup>7</sup> отстраняютъ отъ жертвоношений. <sup>8</sup> сторонятся. <sup>9</sup> ишу-  
щими суда отказывается въ немъ. <sup>10</sup> оказывается.. <sup>11</sup> рѣшаютъ споръ.  
<sup>12</sup> собираются для засѣданій. <sup>13</sup> учение воинско. <sup>14</sup> туда. <sup>15</sup> обыкновенно  
не участвуютъ въ войнѣ. <sup>16</sup> повинностей. <sup>17</sup> преимуществами. <sup>18</sup> у друи-  
довъ.

mant ea litteris mandare<sup>1</sup>, cum in reliquis fere rebus, publicis  
privatisque rationibus<sup>2</sup>, Graecis litteris utantur. Id mihi duabus  
de causis instituisse videntur, quod neque in vulgum disciplinam  
efferri velint neque eos, qui discunt, litteris<sup>3</sup> confisos  
minus memoriae studere<sup>4</sup>; quod fere plerisque accidit, ut praesidio  
litterarum diligentiam in perdiscendo ac memoriam remittant.  
Imprimis hoc<sup>5</sup> volunt persuadere, non interire animas,  
sed ab aliis post mortem transire ad alios, atque hoc<sup>6</sup> maxime  
ad virtutem excitari putant metu mortis neglecto. Multa praetera  
de sideribus atque eorum motu, de mundi ac terrarum  
magnitudine, de rerum natura, de deorum immortalium vi ac  
potestate disputant et iuventuti tradunt.

Alterum genus est equitum. Hi, cum est usus<sup>7</sup> atque aliquod bellum incidit (quod fere ante Caesaris adventum quotannis accidere solebat, uti aut ipsi iniurias inferrent aut illatas propulsarent)<sup>8</sup>, omnes in bello versantur<sup>9</sup>, atque eorum ut quisque est genere copiisque amplissimus, ita plurimos circum se ambactos clientesque habet<sup>10</sup>. Hanc unam gratiam potentiamque noverunt<sup>11</sup>.

Natio est omnium Gallorum admōdum dedita religionibus<sup>12</sup>, atque ob eam causam, qui sunt affecti gravioribus<sup>13</sup> morbis, quique<sup>14</sup> in proeliis periculisque versantur, aut pro victimis homines immolant aut se immolaturos voent administrisque<sup>15</sup> ad ea sacrificia druidibus utuntur, quod, pro vita hominis nisi hominis vita reddatur, non posse deorum immortalium numen placari arbitrantur, publiceque<sup>16</sup> eiusdem generis habent instituta sacrificia. Alii immani magnitudine simulacula<sup>17</sup> habent, quorum contexta viminibus membra vivis hominibus complent; quibus succensis, circumventi flamma exanimantur homines. Supplicia eorum, qui in furto aut in latrocinio aut aliqua noxia sint comprehensi, gratiora dis immortalibus esse arbitrantur; sed, cum<sup>18</sup> eius generis copia defēcit, etiam ad innocentium supplicia descendunt<sup>19</sup>.

<sup>1</sup> записывать. <sup>2</sup> отношенияхъ. <sup>3</sup> записи (тв. п.) <sup>4</sup> упражнять. <sup>5</sup>=въ томъ (вин. п.). <sup>6</sup> тв. п., этимъ убѣждениемъ. <sup>7</sup> нужда <sup>8</sup> вѣль наступательную или оборонительную войну. <sup>9</sup> принимаютъ участіе. <sup>10</sup> изъ нихъ чѣмъ кто знатѣй и богаче, тѣмъ болѣе имѣть около себя амбактовъ и клиентовъ; ambactus слуга—кельтское слово; cliens состояцій подъ покровительствомъ болѣе сильного и облажанный ему повиноваться. <sup>11</sup> только одно это они считаютъ доказательствомъ влїянія и силы. <sup>12</sup> религіознымъ обрядамъ. <sup>13</sup> очень тяжкими. <sup>14</sup>=et qui<sup>15</sup> какъ исполнителями. <sup>16</sup> отъ имени всего государства. <sup>17</sup> чучела. <sup>18</sup> cum defecit всякий разъ какъ недостасть. <sup>19</sup> прибегаютъ.

Deum<sup>1</sup> maxime Mercurium<sup>2</sup> colunt: huius sunt plurima simulacra, hunc omnium inventorem artium ferunt<sup>3</sup>, hunc viarum atque itinerum ducem, hunc ad quaestus pecuniae mercaturasque habere vim maximam arbitrantur. Post hunc Apollinem et Martem et Iovem et Minervam. De his eadem fere, quam reliquae gentes, habent opinionem: Apollinem morbos depellere, Minervam operum atque artificiorum initia<sup>4</sup> tradere, Iovem imperium caelestium tenere, Martem bella regere. Huic, cum<sup>5</sup> proelio dimicare constituerunt, ea, quae bello ceperint, plerumque devōvent: qui superavērunt, animalia capta immolant reliquasque res in unum locum confērunt. Multis in civitatibus harum rerum exstructos tumulos locis consecratis conspicari licet; neque saepe accidit, ut neglectā quispiam religione<sup>6</sup> aut captā apud se occultare aut posita tollere<sup>7</sup> rauderet, gravissimumque ei rei supplicium cum cruciatu constitutum est.

Galli se omnes ab Dite<sup>8</sup> patre prognatos praedicant idque ab druidibus proditum dicunt. Ob eam causam spatia<sup>9</sup> omnis temporis non numero dierum, sed noctium finiunt; dies natales et mensium et annorum initia sic observant, ut<sup>10</sup> noctem dies subsequatur. In reliquis vitae institutis hoc fere ab reliquis différunt, quod suos liberos, nisi cum adoleverunt, ut munus militiae sustinere possint, palam ad se adire non patiuntur filiumque puerili aetate in publico in conspectu patris assistere turpe ducunt.

Viri, quantas pecunias<sup>11</sup> ab uxoribus dotis nomine acceperunt, tantas ex suis bonis, aestimatione facta, cum dotibus communicant<sup>12</sup>. Huius omnis pecuniae coniunctim ratio habetur fructusque servantur<sup>13</sup>: uter eorum vitā superarit<sup>14</sup>, ad eum pars utriusque cum fructibus superiorum temporum pervenit. Viri in uxores, sicuti in liberos, vitae necisque habent potestatem; et cum paterfamiliae illustriore loco natus<sup>15</sup> decessit, eius propinqui convenient et, de morte si res in suspicionem vēnit, de uxoribus in servilem modum<sup>16</sup> quaestionem habent et, si

<sup>1</sup>=deorum. <sup>2</sup> Галльские божества Цезарь называет именами римскихъ боговъ по сходству ихъ свойствъ. <sup>3</sup> считаютъ <sup>4</sup> начальная основанія ремесль и искусство. <sup>5</sup> всякий разъ, какъ. <sup>6</sup> священнымъ обычаемъ.

<sup>7</sup> уносить. <sup>8</sup> А Dite=а Plutone. Преданіемъ о своемъ происхождениі изъ нѣдра земли галлы указывали, что они не пришельцы, а коренные жители страны. Имя Dis=dives и указывается на богатства, хранящіяся въ нѣдрахъ земли. <sup>9</sup> продолжительность. <sup>10</sup> считаютъ такъ, что. <sup>11</sup> имущество.

<sup>12</sup> присоединяютъ къ. <sup>13</sup> ведется общий счетъ и сохраняется прибыль.

<sup>14</sup> переживеть другого. <sup>15</sup> больше или менѣе знатнаго происхождениія.

<sup>16</sup> какъ надъ рабами, т. е. при помоши пытокъ.

compertum est, igni atque omnibus tormentis excruciatas interficiunt. Funera sunt pro cultu<sup>1</sup> Gallorum magnifica et sumptuosa; omniaque, quae vivis cordi fuisse<sup>2</sup> arbitrantur, in ignem inférunt, etiam animalia; ac paulo supra hanc memoriam<sup>3</sup> servi et clientes, quos ab his dilectos esse constabat, iustis funeribus confectis<sup>4</sup>, unā cremabantur.

Quae civitates commodius<sup>5</sup> suam rem publicam administrare existimantur, habent legibus sanctum<sup>6</sup>, si quis quid de re publica a finitimiis rumore aut fama acceperit<sup>7</sup>, uti ad magistratum deférat neve cum quo alio communicet, quod saepe homines temerarios atque imperitos falsis rumoribus terreri et ad facinus impelli et de summis rebus consilium capere cognitum est. Magistratus, quae visa sunt, occultant, quaeque esse ex usu iudicaverunt, multitudini produnt. De re publica nisi per concilium<sup>8</sup> loqui non conceditur.

### *Правы германцев.*

Germani multum ab hac consuetudine différunt. Nam neque druides habent, qui rebus divinis praesint<sup>9</sup>, neque sacrificiis student<sup>10</sup>. Deorum numero eos solos ducunt, quos cernunt et quorum aperte opibus iuvantur, Solem et Vulcanum et Lunam; reliquos ne famā quidem acceperunt. Vita omnis in venationibus atque in studiis rei militaris consistit: ab parvulis<sup>11</sup> labori ac duritiae student<sup>12</sup>.

Agriculturae non student<sup>13</sup>, maiorque pars eorum vinctus in lacte, caseo, carne consistit. Neque quisquam agri modum<sup>14</sup> certum aut fines habet proprios; sed magistratus ac principes<sup>15</sup> in annos singulos gentibus cognationibusque<sup>16</sup> hominum, qui unā coierunt<sup>17</sup>, quantum et quo loco visum<sup>18</sup> est agri attribuunt<sup>19</sup> atque anno post alio<sup>20</sup> transire cogunt. Eius rei multas afférunt causas: ne, assidua consuetudine capti, studium belli gerendi agriculturā commūtent; ne latos fines parare studeant, potentioresque humiliores possessionibus expellant; ne accuratius<sup>21</sup> ad frigora

<sup>1</sup> сравнительно съ образомъ жизни. <sup>2</sup> было по сердцу, было дорого. <sup>3</sup> неадолг до нашего времени. <sup>4</sup> по совершениі. <sup>5</sup> лучше другихъ. <sup>6</sup> =имѣютъ законъ; sanctum прич. отъ sancio <sup>7</sup> гнитъ частные толки, fama открытая мольва. <sup>8</sup> въ собраніи. <sup>9</sup> завѣдывали бы религіозными дѣлами. <sup>10</sup> не слишкомъ заботятся. <sup>11</sup> т. е. annis; съ малолѣтства. <sup>12</sup> привыкаются<sup>13</sup> не занимаются. <sup>14</sup> участокъ. <sup>15</sup> mag. ac princ. начальники изъ знати. <sup>16</sup> семействамъ и родственникамъ. <sup>17</sup> вмѣсть живутъ. <sup>18</sup> заблагоразсудилось начальникамъ. <sup>19</sup> отводятъ. <sup>20</sup> нар., въ другое мѣсто. <sup>21</sup> слишкомъ заботливо.

atque aestus vitandos aedificant; ne qua oriatur pecuniae cupiditas, qua ex re factiones dissensionesque nascuntur; ut animi aequitate plebem contineant<sup>1</sup>, cum suas quisque opes cum potentissimis aequari videat<sup>2</sup>.

Civitatibus maxima laus est quam latissime circum se vastatis finibus solitudines habere. Hoc proprium virtutis existimant, expulsos agris finitimos cedere, neque quemquam prope audere consistere<sup>3</sup>; simul hoc se fore tutiores arbitrantur, repentinae incursionis timore sublato. Cum bellum civitas aut illatum defendit aut infert<sup>4</sup>, magistratus, qui ei bello praesint et vitae necisque habeant potestatem, diliguntur. In pace nullus est communis magistratus, sed principes regionum atque pagorum<sup>5</sup> inter suos ius dicunt<sup>6</sup> controversiasque minuunt<sup>7</sup>. Latrocinia nullam habent infamiam, quae extra fines cuiusque civitatis fiunt, atque ea iuuentutis exercendae ac desidiae minuendae causa fieri praedicant. Atque ubi quis ex principibus in concilio dixit *se ducem fore; qui sequi velint, profiteantur*, consurgunt ii, qui et causam<sup>8</sup> et hominem probant, suumque auxilium pollicentur atque ab multitudine collaudantur; qui ex his<sup>9</sup> secuti non sunt, in desertorum ac proditorum numero ducuntur, omniumque his rerum postea fides derogatur<sup>10</sup>. Hospitem violare fas non putant; qui quaque de causa ad eos venerunt, ab iniuria prohibent<sup>11</sup>, sanctos habent, hisque omnium domus patent victusque communicatur<sup>12</sup>.

Ac fuit antea tempus, cum Germanos Galli virtute superarent, ultiro<sup>13</sup> bella inferrent, propter hominum multitudinem agrique inopiam trans Rhenum colonias mitterent. Itaque ea, quae fertilissima Germaniae sunt, loca circum Hercyniam silvam, quam Eratostheni<sup>14</sup> et quibusdam Graecis fama notam esse video, quam illi Orcyniam appellant, Volcae Tectosages<sup>15</sup> occupaverunt atque ibi consederunt; quae gens ad hoc tempus his sedibus sese continet<sup>16</sup> summamque habet iustitiae et bellicae laudis opinionem. Nunc, quod in eadem inopia, egestate pa-

<sup>1</sup> чтобы держать въ порядкѣ низшій классъ посредствомъ спокойнаго настроения его духа. <sup>2</sup> можетъ видѣть. <sup>3</sup> селиться. <sup>4</sup> bellum defendere вести оборонительную войну; bellum inferre вести наступательную войну <sup>5</sup> знатные въ областяхъ и округахъ. <sup>6</sup> производить судъ. <sup>7</sup> улаживаютъ <sup>8</sup> предпріятіе. <sup>9</sup> т. е. изъявившихъ согласіе. <sup>10</sup> у нихъ отнимается довѣріе. <sup>11</sup> защищаютъ. <sup>12</sup> =дѣлятся пищей. <sup>13</sup> безъ особенного повода. <sup>14</sup> Ератостhenes греческій философъ, математикъ и географъ. <sup>15</sup> Племя Volcae Tectosages жили первоначально у подножія Пиренеевъ. <sup>16</sup> остается до настоящаго времени.

tientiaque Germani permānent, eodem victu et cultu corporis<sup>3</sup> utuntur, Gallis autem provinciarum propinquitas<sup>2</sup> et transmarinarum rerum notitia multa ad copiam atque usus<sup>3</sup> largitur, paulatim assuefacti superari multisque victi proeliis ne se quidem ipsi cum illis virtute compārant.

### Герцинскій лесъ.

Huius Hercyniae silvae, quae supra demonstrata est, latitudo novem dierum iter expedito<sup>4</sup> patet: non enim aliter finiri potest, neque mensuras itinerum noverunt. Oritur ab Helveticorum et Nemētum et Rauricorum finibus rectāque fluminis Danuvii regione<sup>5</sup> pertinet ad fines Dacorum et Anartium; hinc se flectit sinistrorsus diversis ab flumine regionibus<sup>6</sup> multarumque gentium fines propter magnitudinem attingit; neque quisquam est huius Germaniae, qui se aut adisse ad initium eius silvae dicat, cum dierum iter LX processerit, aut, quo ex loco oriatur, acceperit; multaque in eā<sup>7</sup> genera ferarum nasci constat, quae reliquis in locis visa non sint. Ex quibus, quae maxime différant ab ceteris et memoriae prodenda videantur, haec sunt.

Est bos cervi figura<sup>8</sup>, cuius a media fronte<sup>9</sup> inter aures unum cornu existit excelsius magisque derectum his, quae nobis nota sunt, cornibus; ab eius summo<sup>10</sup> sicut palmae ramique late diffunduntur. Eadem est feminae marisque<sup>11</sup> natura, eadem forma magnitudoque cornuum.

Sunt item, quae appellantur alces. Harum est consimilis capris figura et varietas pelium, se magnitudine paulo antecedunt mutilaeque sunt cornibus<sup>12</sup> et crura sine nodis articulisque<sup>13</sup> habent, neque quietis causa procumbunt neque, si quo afflictæ casu conciderunt, erigere sese aut sublevare possunt. His sunt arbores pro cubilibus: ad eas se applicant atque ita paulum modo reclinatae quietem capiunt. Quarum ex vestigiis cum est animadversum a venatoribus, quo se recipere consue-

<sup>1</sup> cultus corporis одежда. <sup>2</sup> близость провинцій т. е. двух Галлій, предальпійской и части въ заальпійской. <sup>3</sup> для обладанія и пользованія. <sup>4</sup> для пѣшехода безъ воши. <sup>5</sup> recta regione по прямой линіи Дуная, т. е. параллельно Дунаю. <sup>6</sup> въ разныхъ направленияхъ. <sup>7</sup> въ томъ лѣсу. <sup>8</sup> тамъ водится животное, похожее на оленя. Bos всякое животное съ рогами и раздвоенными конытами. <sup>9</sup> по срединѣ лба. <sup>10</sup> отъ его вершины. <sup>11</sup> родит. пад. отъ mas. <sup>12</sup> съ туными, безъ вѣтвей рогами. <sup>13</sup> безъгибовъ и суставовъ.

rint, omnes eo loco aut ab radicibus subruunt aut accidunt arbores, tantum ut summa species<sup>1</sup> earum stantium relinquatur. Huc cum se consuetudine reclinaverunt, infirmas arbores pondere affligunt atque unā ipsae concidunt.

Tertium est genus eorum, qui uri appellantur. Hi sunt magnitudine paulo infra elephantes, specie et colore et figura tauri. Magna vis eorum est et magna velocitas, neque homini neque ferae, quam conspexerunt, parcunt. Hos studiose<sup>2</sup> foveis captos interficiunt. Hoc se labore durant adulescentes atque hoc genere venationis exercent, et qui plurimos ex his interfecerunt, relatis in publicum cornibus, quae sint testimonio, magnam ferunt laudem. Sed assuescere ad homines et mansuefieri ne parvuli quidem excepti<sup>3</sup> possunt. Amplitudo cornuum et figura et species multum a nostrorum boum cornibus differt. Haec studiose conquisita ab labris<sup>4</sup> argento circumcludunt atque in amplissimis epulis pro poculis utuntur.




---

<sup>1</sup> общий видъ. <sup>2</sup> съ большимъ трудомъ. <sup>3</sup> хотя бы ихъ поймали маленькими. <sup>4</sup> съ краевъ.